

欽定書經圖說

第二冊

卷

三五

五

欽定書經圖說目錄三

大禹謨十七圖

大禹圖

敷命陳謨圖

稽衆求言圖

不虐無告圖

四夷來王圖

九歌勸民圖

六府三事圖

禹讓皋陶圖

德洽民心圖

不犯有司圖

帝王傳心圖

龜筮協從圖

受命神宗圖

征苗誓師圖

歷山往田圖

班師振旅圖

干羽格苗圖

大禹謨

大禹謨者禹陳告於帝舜之謨議也虞史既述二典又備記
舜禹之嘉言善政以示後世明禪讓之有自也禹功業盛大
故稱曰大禹

卷之八
 詩經
 大雅
 生民


大禹圖




敷命陳謨圖

校印

金定言然圖言



稽衆求言圖



不虐無告圖



曰若稽古大禹曰文命敷于四海祇承于帝曰后克艱厥后臣克艱厥臣政乃乂黎民敏德帝曰俞允若茲嘉言罔攸伏野無遺賢萬邦咸寧稽于衆舍己從人不虐無告不廢困窮惟帝時

克

命教也祇敬也敏速也攸所也

此四幅圖是寫禹陳謨於舜舜因推廣之以歸美於堯也史臣稽考古時大禹曰禹當治水成功之後既已布其文教於四海於是陳其謨議以敬承於帝舜之前謂人君一身理萬幾臨億兆欲盡其道最為不易人臣受其君之委任並有佐治理民之責其道亦最難盡所謂為君難為臣不易也然能知為君為臣之難兢兢焉夙夜祇懼務各盡其所當為之道

則上下交修庶政以理下民亦必觀感而速化於善舜然其
言以為信能如此將必廣開言路而無壅蔽之虞羅致羣賢
而無遺才之歎俊人同升膏澤下需萬邦之民自無一人之
不得其所矣尤必須廣詢於衆有善必從始足見嘉言罔伏
之效也勤求民瘼體恤周至始足見萬邦咸甯之效也詳延
茂異不棄仄微始足見野無遺賢之效也以此三事求之人
君中緬惟帝堯允足堪此其後禹為天子大會諸侯於塗山
執玉帛者萬國可謂盛矣然皇王大紀謂禹嘗為銘於箕簋
曰告寡人以道者擊鼓以義者擊鐘以事者振鐸以憂者擊
磬以獄者揮鞀是其舍己從人洵無媿於堯之求言舜之好

問也說苑謂禹出見罪人下車問而泣之左右曰罪人不順道王何為痛之禹曰堯舜之人皆以堯舜之心為心今我之百姓各自以其心為心是以痛之也蓋其痼瘵在抱絕不虐待無告之窮民尤足以祇承二帝而媲美盛德也

四夷來王圖



光緒三十一年

次定書聖圖說卷三

六

益曰都帝德廣運乃聖乃神乃武乃文皇天眷命奄有四海為
天下君禹曰惠迪吉從逆凶惟影響益曰吁戒哉儆戒無虞罔
失法度罔遊于逸罔淫于樂任賢勿貳去邪勿疑疑謀勿成百
志惟熙罔違道以干百姓之譽罔拂百姓以從己之欲無怠無
荒四夷來王

眷顧也奄盡也惠順也迪道也逆反於道也罔勿皆禁止之詞逸安也淫過也謀圖為也熙光明也

拂拂逆也

此一幅圖是寫伯益贊美堯德因陳訓誡而推廣其效於遠
方四夷也伯益因舜以克艱之美歸堯乃歎美曰帝堯之德
既廣大而無外且運行而不息自其生知安行而言是謂之
聖其聖而不可知者是謂之神又能戡亂去邪是謂之武經

天緯地是謂之文以故皇天眷顧其德而保佑命之使其盡
有四海首出庶務以君臨天下也禹感於伯益之言因謂凡
人能順道制行天必降以吉祥之福若反悖於道天必降以
凶禍之殃如影之隨形響之應聲不可易也禹之深言天道
所以責難於帝於是益復本其克艱之意進陳其儆戒之詞
謂今日四海安謐無可憂虞然亂生於極治正須時加儆畏
乃可以長保太平法度者經國之宏謨必當修明振舉勿使
失墜人情好逸而惡勞習安則忘苦勿遊勿淫其惕勵可知
也賢人當任儉邪當去勿貳勿疑其明斷可知也若謀為一
事有疑於心決不苟且成就則凡百志慮皆光明正大理順

而心安矣至於恩威刑賞皆宜以道為衡固不可違背正道而屈法徇情以求百姓之稱譽亦不可拂逆百姓之公心而任情亂法以從一己之私欲如此行之內無怠於心外無荒於事則治道益隆不但中國之民無思不服即四裔蠻夷亦莫不聞風向化相率而來朝矣儆戒無虞其效如此古聖王所以制治於未亂保邦於未危君臣互相咨儆洵可為萬世法也